



A Consellería de Sanidade vén de publicar a ORDE do 21 de outubro de 2020 sobre medidas de prevención como consecuencia da evolución da situación epidemiolóxica derivada do COVID-19 na comarca de Verín.

Como xa adiantaba onte a administración autonómica nun comunicado oficial, limítase a entrada e a saída de persoas

do ámbito territorial delimitado de forma conxunta polos concellos de Verín, Oimbra e Vilardevós

, agás para aqueles desprazamentos, adecuadamente xustificados, que se produzan por algún dos seguintes motivos:

- *Asistencia a centros, servizos e establecementos sanitarios.*
- *Cumprimento de obrigas laborais, profesionais, empresariais ou legais.*
- *Asistencia a centros universitarios, docentes e educativos, incluídas as escolas de educación infantil.*
- *Retorno ao lugar de residencia habitual.*
- *Asistencia e coidado a maiores, menores, dependentes, persoas con discapacidade ou persoas especialmente vulnerables.*
- *Desprazamento a entidades financeiras e de seguros que non poidan aprazarse.*
- *Actuacións requiridas ou urxentes ante os órganos públicos, xudiciais ou notariais.*
- *Renovacións de permisos e documentación oficial, así como outros trámites administrativos inaprazables.*
- *Realización de exames ou probas oficiais inaprazables.*
- *Por causa de forza maior ou situación de necesidade.*
- *Calquera outra actividade de análoga natureza, debidamente acreditada.*

*** IMPORTANTE:**

- *A circulación polas estradas e vías que transcorran ou atravesen os ámbitos territoriais delimitados será posible sempre e cando teña a súa orixe e destino fóra deles.*

Ademais, entre outras restricións, continúan vixentes:

- Limitación os grupos para o desenvolvemento de calquera actividade ou evento de carácter familiar ou social na vía pública, espazos de uso público ou espazos privados, aos constituídos exclusivamente por persoas conviventes.

- Peche das actividades de festas, verbenas e outros eventos populares, así como das atraccións de feiras.

- Limitación dos aforos ao 50 % nos establecementos comerciais, de restauración e hostalería, onde ademais estará prohibido o consumo en barra.

- Máximo 5 persoas por mesa en restaurantes, e só conviventes.

- Redución dos aforos en celebracións, velorios e lugares de culto.

- Prohibición de servir en interior de bares e cafeterías. (En Verín non está dispoñible tampouco o servizo en terraza).

Consulta o resto das limitacións específicas de capacidade e outras para determinados sectores de actividade na [ORDE do 21 de outubro de 2020 do DOG \(Anexo I\)](#).

Estas medidas serán revalidas dentro de 14 días en función da evolución da situación epidemiolóxica no municipio.

Dende o Concello de Verín pedimos responsabilidade e #sentidiño a todos os veciños e veciñas.

Está nas nosas mans. Sigamos as recomendacións das autoridades sanitarias.

#FainoPorTi #fainoportodos

Lembra a norma das 3 M

Máscara

Mans limpas

Manter a distancia de seguridade